

# 卷一百三十二



書名 杜氏通典二百卷 嘉靖十八年西樵方獻夫刊本  
 撰者 唐 杜佑 撰, 明 王德益、吳鵬 同校  
 卷 卷一百三十二  
 內容分類 史 政書 歷代通制  
 索書號 貴重-17  
 編號 B3510400

杜氏通典卷第二十五

職官七

諸卿上 總論諸卿  
 諸卿少 卿附

奉禮郎 主簿 博士  
 太樂署 鼓吹署 兩京郊社署  
 太卜 廩犧 汾祠 太醫署

太樂署 主簿 廩犧 掌醢署 太官署 珍羞署  
 太卜 主簿 掌醢署 太官署 珍羞署

良醞署 主簿 掌醢署 太官署 珍羞署  
 良醞署 主簿 掌醢署 太官署 珍羞署

丞 守宮署 主簿 武庫署 武器署  
 丞 守宮署 主簿 武庫署 武器署

丞 諸陵署 主簿 崇玄署 左右都侯  
 丞 諸陵署 主簿 崇玄署 左右都侯

丞 典牧署 主簿 乘黃署 典廐署  
 丞 典牧署 主簿 乘黃署 典廐署

司直 評事 監獄丞 諸牧監  
 司直 評事 監獄丞 諸牧監

彩色首頁1  
[東洋文化研究所漢籍目錄 編號: B3510400](#)  
[東洋文化研究所漢籍目錄所藏漢籍善本文影像資料庫 索書號: 貴重-17](#)  
[漢籍善本文影像資料庫文本杜氏通典二百卷 嘉靖十八年西樵方獻夫刊本](#)  
 版權所有: 東京大學 東洋文化研究所  
[使用上的注意事項](#)

所究研京東院學化文方東 第  
No. 4008 册

0 1 2 3 4 5 6 7 8 9 5

不 許 複 製

NOT TO BE REPRODUCED

東京大学東洋文化研究所



杜氏通典卷第一百二十二

禮九十二軍一 纂類二十七  
大唐開元禮二十七

皇帝親征類于上帝

皇帝親征告于太廟

皇帝親征禡于所征之地

皇帝親征及巡狩郊祭有司較于國門


皇帝親征及巡狩告所過山川

平蕩寇賊宣露布

遣使勞軍將

皇帝講武

皇帝田狩





皇帝親征類于上帝附社

纂嚴

纂嚴前一日本司承制宣攝內外諸司各隨職備辦尚舍奉御施御幄於太極殿北壁下南向如常守宮設群官文武次於東西朝堂如常儀典儀設群官位於殿庭文武西每等異位重行北面相對爲首乘黃令陳革輅及玉輅以下及車旗之屬如常未明一刻開諸宮門諸衛勒所部列黃麾仗屯門及陳於殿庭如常儀其日平明留從之官悉集朝堂次侍臣服平巾幘袴褶其將帥等及從行之官亦平巾幘袴褶留守之官公服上水五刻侍中版奏請中嚴文武官各

列於殿庭上水三刻通事舍人引群官俱詣閣奉迎侍中版奏外辦皇帝服武弁服曲直華蓋侍衛如常自御座南向坐典儀唱再拜群臣皆再拜訖中書令承旨勅百寮訖通事舍人以次引群官出侍中跪奏禮畢俛伏興皇帝降御座乘輿入自東房侍中從至閣如常

齋戒

將告有司卜日如別儀前一日皇帝清齋於太極殿應諸告之官及群官客使等各於所司及公館諸軍將各於正寢俱清齋一宿若在營者齋於軍餘如郊祀儀

陳設



前告三日陳設如巡狩告圓丘儀社設大次於社官西門之外道北南

向設告官等次以下如祭社之儀又設將軍次於外壇南門外道東

西向北上前二日設樂懸燎壇群官版位等並如告

圓丘之儀又設軍將位於懸南每等異位重行北面

西上軍將門外位於南壇内外道東西向北上社軍

次於社官北門之外道俱南向北上設樂懸等如祭

社儀又為壘壇三於樂之北如常又前二日奉禮設

御位於北門內當社壇南向設太史等奉血幣位於

指北如常郊社令帥府史一人又齋郎以鑄坩壘洗

簾幕入設未明十五刻烹牲如常倉牲二一正座一

皆如常未明四刻太史令郊社各服其服豆取毛血如常

升設神座如常儀

鑾駕出宮社同

皇帝武弁乘革輅備大駕及嚴鼓侍中奏請發内外

器服皆如常儀前後備六軍諸軍嚴鼓一准大駕

薦玉帛禮與巡狩社同

其日未明二刻下至太常卿引皇帝至内壇門並如

巡狩圓丘親告儀天地大鐘二實以凡齋明水實於

清酒玉幣以眷唯無禮皇帝至版位西向立每立定

部尚書太常卿倍祀太常卿前奏請拜退復位皇帝再拜以下

與博士退立於左

至奠玉帛訖降壇還版位樂止並如巡狩親告儀

進熟  
皇帝既升奠玉帛太官令出帥進饌者以下至皇帝  
降壇還版位謁者引司徒降復位並如巡狩圓丘親



告儀宜社自引司徒降復位皇帝既降壇謁者引諸

軍將詣壇東階升進立於昊天帝神座前北面西上

宜社立於太社神座前南面西上初軍將升太祝帥齋郎以爵酌福

酒進立於軍將之西東面北上宜社於南軍將俱

再拜受爵跪祭酒啐酒奠爵興太祝各帥齋郎進俎

臧神前胙肉以次授軍將受以授齋郎軍將俱跪取

爵遂飲卒爵太祝帥齋郎受爵復於坵軍將俱興再

拜謁者引軍將降復太祝各進跪徹豆還罇所奉禮

曰賜胙贊者唱眾官再拜眾官在位者皆再拜福已飲

酹元和之樂作太常卿前奏請再拜退復位皇帝再

拜及燎燔以下至燔祝版並如巡狩親告儀宜社自

拜以下至燔祝版並如巡狩告社儀

變駕還宮如郊社儀宜社

皇帝親征告于太廟

齋戒

將告有司卜日皇帝清齋及應告官清齋等並如巡

狩告儀又諸軍將各於正寢清齋一宿若在營齋諸

衛令其屬守廟門工人俱清齋如常儀

陳設

前告三日陳設如巡狩告廟儀又設軍將次於南門

外道東西向北上前二日設樂懸前一日設御座及

從駕官位如巡狩告廟儀又設軍將門外道東每等



異位重行西向北上設罇壘洗大告日未明十五刻  
烹牲等並如巡狩告廟儀

鑾駕出宮

皇帝服武弁服乘革輅前後備六軍嚴鼓並准大駕  
餘同圓丘儀

晨裸巡狩告廟同

饋食

皇帝既升裸下至酌獻九室訖降復位並如巡狩告  
廟儀又皇帝既降謁者引諸軍將升自東階進立於  
睿宗大聖至孝皇帝室戶前北面西上初軍將升諸  
太祝各帥齋郎以爵酌壘福酒進立軍將之東西面  
北上以下至啐奠降復位如類上帝儀軍將登歌作  
諸祝各入室徹豆還罇所以下至燔版於齋坊如類  
上帝儀

鑾駕還宮

皇帝既還大次侍中版奏請解嚴將士不得離部伍皇帝仍  
服武弁乘革輅還宮如常儀凱旋告日陳倅餼於南  
門外北面西上軍實陳於後其告奠之禮皆與告禮  
同

解嚴

未解嚴前一日本司各隨職供辦尚舍奉御座於太  
極殿中楹間南向如常守宮設文武百官次於東西



朝堂奉禮於東西朝堂設文武官版位如初典儀設位於殿庭文武西皆重行北向相對爲首設典儀位於東階革輅旌旗之屬於殿庭其日平明諸衛各勒所部屯門列仗百官服袴褶督將戎服皆集朝堂次晝漏上水五刻侍中版奏請中嚴鈸戟以次列於殿庭上水七刻典謁引群官以次入就位上水十刻應奉迎之官請閣奉迎侍中版奏外辨皇帝服通天冠絳紗絕御輿以出曲直華蓋警蹕如常皇帝出自西房卽御座侍臣次侍如常典儀稱再拜替者承傳群官皆再拜通事舍人以次引群官出侍中跪奏稱禮畢俛伏興還侍位皇帝降座御輿入自東房侍臣

從至閣如常

皇帝親征禡于所征之地

將祭有司卜日如別儀前祭一日皇帝清齋於行宮凡應祭之官清齋於祭所近侍之官與從祭群官及諸軍將皆於軍幕清齋一宿諸衛令其屬各以其方器服守衛壘門亦清齋一宿尚舍直長施犬次及群官軍將等次如類上帝儀右校脩除祭所又爲瘞壻於神座西北內壘之外方深取足容物前一日奉禮設御座東南西向設望瘞位於神座西南當壘壻北上設諸祭官位於御位東南執事者位於其後俱重行西向北上設御史位一位於神座西南東向一位



於神座東南南向設奉禮位於祭官西南贊者二人  
在南差退俱西向北上又設奉禮贊者位於瘞壇西  
南上設從祭群官位於祭官之南俱重行西向北上  
設軍將於南廂重行北向西上設門外位祭官以下  
皆於東壇之外道南從祭群官位於祭官之南俱重  
行北向西上軍將位於南壇外道東重行西向北上  
兵部侍郎建二旗於南門外去門三十步郊社令帥府史  
及齋郎以罇坵壘洗篚幕入設於位犧罇二象罇二  
山壘二皆於神座東南俱北向西上罇皆加勺幕設  
有坵以置爵設  
御洗於酒罇東南諸將壘洗又於東南北向及設篚  
幕如常篚實以  
巾爵執罇壘者如常設幣篚於酒罇之所

祭日未明十五刻太官令先備犧牲之饌牲以未明  
饋四刻郊社令奉熊席入設黃帝軒轅氏神座於壇內  
近北南向兵部侍郎置甲冑弓矢於座側建藉於座  
後未明二刻郊社令良醞令各帥其屬入實罇壘及  
犧罇實以醴齊象罇實以盎齊山壘實以  
幣清酒齊皆加明水酒加玄酒各實於上罇太官令  
帥進饌者實諸籩豆簋蓋未明一刻奉禮帥贊者先  
入就位贊引引御史太祝與執罇壘篚者入當御座  
前重行北向西上立定奉禮曰再拜贊者承傳御史  
以下皆再拜執罇壘者各就位贊引引御史太祝行  
掃除訖引就位皇帝服武弁之服詣祭所諸將與從  
祭之官皆戎服陪從如常駕將至謁者引行事之官



皆就東門外位駕至大次門外下馬之大次郊社令  
以祝版進神座如常謁者贊引各引從駕群官及諸  
將俱就門外位謁者贊引各引祭官及從祭群官諸  
軍將等次入就位皇帝停大次半刻頃太常博士引  
太常卿立於大次門外當門北向侍中版奏外辨皇  
帝出次博士引太常卿太常卿引皇帝入門仗衛停  
於門外近侍者從入如常皇帝至版位西向立每位定太  
常卿與博士退立於左太常卿前奏再拜退復位皇帝再拜奉  
禮曰衆官再拜衆官在位者皆再拜太常卿前奏有  
司謹具請行事退復位太祝跪取幣於籠興立於罇  
所凡取物者皆跪俛伏而取以太常卿引皇帝進神  
所奠物則奠訖俛伏而後興

前北向立太祝以幣授侍中侍中奉幣東向進皇  
帝受幣太常卿引皇帝進北向跪奠於神座俛伏興  
太常卿引皇帝少退北向再拜訖太常卿引皇帝還  
版位西向立伺衆官拜訖太官令出帥進饌者奉饌  
陳於東門之外謁者引司徒出詣所司徒奉俎皇帝  
既復位太官令引饌入太祝迎引設於神座前訖謁  
者引司徒以下還本位太祝還罇所太常卿引皇帝  
請壘洗侍中黃門侍郎贊洗授巾爵並如常儀謁者  
引司徒進立於罇所齋郎奉俎立於司徒之後皇帝  
洗爵訖太常卿引皇帝詣罇所執罇壘者舉兼侍中  
贊酌醴齊訖太常卿引皇帝進軒轅氏神座前北向



跪奠爵俛伏興太常卿引皇帝少退北向立太祝持  
版進於神座之右東面跪讀祝文時撰訖與皇帝再  
拜太祝進奠版於神座還罇所太祝以爵酌罇受福  
以授侍中受爵西向進皇帝再拜受爵跪祭啐奠爵  
受胙至還本位如常儀謁者引亞獻上將詣壘洗盥  
手洗爵酌盞齊奠啐受福如上訖還本位謁者又引  
次將終獻如亞獻儀太祝進徹豆如式奉禮曰賜胙  
以下至望座位禮畢還大次並如常其真土塹東西  
各四人若備六軍及嚴鼓位如類告之禮

皇帝親征及巡待郊祭有司輶于國門

車駕出日右校先於國門外委土為輶輶為山又為

壘增於神座西北方深取足容物太祝布神座於輶  
前南向太官令帥宰人剝羊郊社之屬設罇壘篚幕  
於神座之左俱右向置幣於罇所駕將至太祝立於  
罇洗東南西向祝史與執罇壘篚者俱就罇壘所立  
太祝再拜詣罇所取幣進跪奠於神座興還本位進  
饌薦脯於神座前加羊於輶西首太祝詣壘洗盥手  
洗爵詣罇所酌酒進跪奠於神座前興少退北向立  
讀祝文訖祝文臨太祝再拜還本位少頃太祝帥齋  
郎幣爵酒饌物宰人舉羊肆解之太祝并載埋塹奠  
之執罇者徹壘篚席駕至權停太祝以爵酌酒授太  
僕卿左執轡右受酒祭兩軹及軌前軌轡未乃飲受



爵而退遂驅駕轅輶上而行

皇帝親征及巡狩告所過山川

前一日諸告官俱清齋於告所執事者先脩除告所

又爲瘞埴當神座之南如常太官令備牢饌嶽鎮海瀆用大

牢中山川用少牢小山川告曰郊社丞布神座席於

告所近北南向設酒罇於神座之左面右設洗於酒

罇東南北向其執罇者位如常奉禮設告官位於壘

洗東南西向執事者位於其後北上設奉禮位於告

官西南東向贊者二人在南少退所司實罇壘俎豆

太祝實幣篚齋郎取豆血幣帛以夫八尺各隨方色奉禮帥贊者

先入就位執罇壘篚者次入就位謁者引告官以

下次入就位立定奉禮曰再拜贊者承傳告官以下

皆再拜謁者進告官之左白有司謹具請行事退復

位奉禮曰再拜告官以下皆再拜太祝以幣授告官

告官受幣謁者引告官詣神座前北面跪奠幣俛伏

興少退再拜告官復位太官丞引饌入太祝迎引設

於神座前太官丞以下還本位謁者引告官詣壘洗

盥手洗爵訖引告官詣酒罇所執罇者舉幕告官酌

酒跪進奠於神座俛伏興少退北向立太祝持版進

於神座之右東面跪讀祝文祝文臨訖興告官再拜

太祝進跪奠版於神座俛伏興還罇所太祝以爵酌

福酒進告官之右西向立告官再拜受爵跪祭啐奠



爵及受胙以下望座等至燔版位並如常儀寘土則  
增東西各二人

平蕩寇賊宣露布

其日守官量設群官次露布至兵部侍郎奉以奏聞  
仍承制集文武群官客使於東朝堂群官客使至俱  
就次各服其服奉禮設群官版位於東朝堂之前近  
南文東武西重行北向相對爲首又設客使各如常  
儀設中書令於群官之北南面量時刻吏部兵部贊  
引群官客使出次謁者贊引就位立定中書令受露  
布置於案令史二人絳公服對舉之典謁者引中書  
令舉案者從之出就南面位持案者立於中書令西

南東面立定持案者進中書令取露布持案者退復  
位中書令稱有制群官客使皆再拜中書令宣露布  
訖群官客使又再拜皆舞蹈訖又再拜謁者引兵部  
尚書進中書令前受露布退復位兵部侍郎前受之  
典謁引中書令入謁者引群官客使各還次

遣使勞軍將

前一日執事者先設使者次於營南門之外道右南  
向使者至謁者引之次使者將到兵部先集大將以  
下於南門之外列左右廂俱重行北向相對爲首使  
者出次謁者引立於門西東面持節者立於使者之  
北史二人持制書案立於使者西南俱東面立定大



將北面再拜謁者引使者持節者前導入門而左持  
案者從立於幕前南面持節者立於使者之東少南  
西面持案者立於使者西南東面又謁者引大將以  
下入立於使者之南依左右廂俱重行北面相對爲  
首立定持節者脫節衣持案者進使者前使者取制  
書持案者退復位使者稱有制大將以下俱再拜宣  
詔訖大將以下又再拜謁者引大將進使者前北面  
受制書退復位持節者加節衣謁者引使者持節者  
前導以出持案者從之俱復門外位大將以制書授  
左右拜送使者於門外使者退大將入初使者出諸  
將以下以次出若賜衣物使者出次立於門外立定  
執事者以衣物立於案南俱東西北上使者入衣物  
隨入初大將受制書復位執事者以衣物遍授之大  
將以下受訖又再拜

### 皇帝講武

仲冬之月講武於都外前期十有一日所司奏講武  
兵部承認遂命將帥簡軍士有司先芟萊除地爲場  
方一千二百步四出爲和門又於其內埽地爲步騎  
六軍營域處所左右廂各爲三軍位上軍在北中軍  
次之下軍在南東西相向中間相去三百步五十步  
立表行凡立五行表間前後各相去五十步爲三軍  
進止之節又別埽地於北廂南向爲車駕停觀之處



前三日尚舍奉御設大次及御座於其中如常儀前  
一日講武將帥及士卒集於壇所禁止誼譁依方色  
建旗爲和門於都壇之中及四角皆建以五綵牙旗  
旗鼓甲仗威儀悉備於壇所大將以下各有統帥如  
常式步軍大將被甲胃乘馬教騎大將亦乘馬教習  
士衆爲戰隊之法凡教爲陣少者在前長者在後其  
還則長者在前少者在後長者持弓矢短者持戈矛  
力者持旌旗勇者持鉦鼓刀楯爲前行持稍者次之  
弓箭爲後行將帥先教士衆習見旌旗指麾之縱旗  
卧卽跪旗舉卽起金鼓動止之節聲鼓卽進鳴金卽  
止知刑罰之害賞賜之利持五兵之便戰鬪之備習

串跪起及行刻險隘之路講武日未明十刻軍士皆

嚴備五刻將士皆貫甲步軍各爲直陣以相俟將軍

依儀各依格備物大將軍各依格處分軍中立於旗

鼓之下凡六軍各鼓一斗三鉦一鑾駕出如常式○

講武日未明七刻槌一鼓爲一嚴二嚴時節前一日

剛侍中奏開宮殿門及城門未明五刻槌二鼓爲再

嚴侍中版奏請中嚴文武官應從者俱先置文武官

皆公服所司爲小駕依圖陳設未明二刻槌三鼓爲

三嚴諸衛各督其隊與鉞戟以次入陳於殿庭諸侍

衛之官各服其器服諸侍臣俱詣西階下奉迎侍中

如乘黃令進革輅於太極殿前皇帝服武弁之服餘



並如圖在儀駕至壇所兵部尚書令胄乘馬奉引至講武所入自都壇北和門兩步軍之北當空南向黃門侍郎奏稱請降輅還侍位皇帝降輅入大次而觀兵部尚書停於東廂西向三仗少退以通觀路領軍臧小駕騎士立於都壇之西周侍臣依左右廂立於大次之前東西面北上文武九品以上皆公服文東武西在侍臣之外十步重行北上諸州使人及蕃客先集於都壇北和門外東方南方立於道東西方北方立於道西皆向輅而立以北爲上駕至和門奉禮曰再拜在位者皆拜皇帝入次謁者引諸州使人鴻臚卿引蕃客東方南方立於大次東北南向以西廂

上西方北方立於大次西北南向以東爲上若有觀者立於都壇騎士仗外四周任意然後講武諸州使人及蕃客立定吹大角一通中軍將各以鞞令鼓二軍俱擊鼓三鼓有司偃旗步士皆跪二軍諸帥果殺以上各集於中軍大將旗鼓之下左廂中軍大將立於旗鼓之東西面諸軍將立旗鼓之南地面東上右廂以聽誓大將誓曰今行講武以教人戰進退左右一如軍法用命有常賞不用命有常刑可不勉之誓訖左右三軍各長史二人振鐸分以警衆諸果殺各以誓詞遍告其所部遂聲鼓有司奉旗士衆皆起騎從皆行及表擊鉦騎從乃止又擊三鼓有司偃旗士



衆皆跪又擊有司舉旗士衆皆起騎驟徒趨及表乃止整列位定東軍一鼓舉青旗爲直陣西軍亦鼓而舉白旗爲方陣以應之次南軍亦鼓而舉赤旗爲銳陣北軍亦鼓而舉黑旗爲曲陣以應之次東軍鼓而舉黃旗爲圓陣西軍亦鼓而舉青旗爲直陣以應之次西軍鼓而舉白旗爲方陣東軍亦鼓而舉赤旗爲銳陣以應之次東軍鼓而舉黑旗爲曲陣西軍亦鼓而舉黃旗爲圓陣以應之凡陣迭爲主客先舉者爲客後舉者爲主從五行相勝之法爲陣以應之每變陣二軍各選刀楯之士五十人挑戰於兩軍之前第一第二挑戰迭爲勇怯之狀第三挑戰爲敵均之勢

第四第五挑戰爲勝敗之形每將變陣先鼓而爲直陣然後變從餘陣之法五陣畢兩軍俱爲直陣又擊三鼓有司偃旗士衆皆跪又擊鼓舉旗士衆皆起騎馳徒走左右軍俱至中表相擬擊而還每退至一行表跪起如前遂復本列侍中跪奏請觀騎軍又侍中稱制曰可侍中俛伏興二軍吹角擊鼓警衆俱進及表乃止皆如步軍唯無跪起耳騎軍東西迭爲主客爲五變之陣皆如步軍之法每陣各八騎挑戰於兩陣之間如步軍法五陣畢俱大擊鼓而前盤馬相擬擊而罷遂振旅而還凡步騎二軍之士備則滿數省則半之損益隨時唯不得減將帥凡相擬擊皆不得



以乃相及凡步士逐退過中表二十步而止不得過

也騎士不在此例借由田狩則令講武軍士之外先

禮狩訖乘輅振講武罷侍中跪奏稱侍中臣某言講

武禮畢請還俛伏興皇帝降御輿侍衛如常儀皇帝

升輅太僕御立授綬升訖敕軍右升千牛將軍升輅

陪乘黃門侍郎奏請鑾駕發引以下如圓丘還宮儀

唯不作鼓吹不撞鞀賓解嚴訖將士各還明日群官

奉參起居如別儀

### 皇帝田狩

仲冬狩田之禮前期十日兵部徵衆庶循田法虞部

量地廣狹表所田之野前待三日本司建旗於所田

之後隨地之宜前一日未明諸將各帥士徒集旗下

不得誼譁贊明幣旗後至者罰之兵部分申田各遂

圍田其兩翼之將皆建旗及夜布圍訖若圍廣或先

圍闕其南面且據南面及駕出以剛日其發引次舍

如常將至田所皇帝鼓行入圍鼓吹令鼓六十陳於

皇帝東南西南向六十陳於皇帝西南東南向皆乘馬各

蕭諸將皆鼓行赴圍乃設驅逆之騎百有二十既設

驅逆皇帝乘馬南向有司欽大綬以從諸公王以下

皆乘馬帶弓矢陳駕前後所司之屬欽小綬以從

乃驅獸出皇帝之前初一驅過有司整飭弓矢以前

再驅過本司奉進弓矢三驅過皇帝乃從禽左而射



之每驅必三獸以上皇帝發抗大綏皇帝既發然後  
公王發王著抗小綏諸公既發以次射之訖驅逆之  
騎止然後百姓獵凡射獸自左而射之達於左隅為  
上射達左耳本為中射達右耳本為次射左脾達於  
右髀為下射群獸相從不盡殺已被射者不射又不  
射其面不剪其毛其出表者不逐將止虞部建旗於  
田內乃雷擊駕鼓及諸將之鼓士徒譟呼諸得禽者  
獻於旗下致其左耳大獸公之小獸私之其上者以  
供宗廟次者以供賓客卑者以充庖厨乃命有司饁  
獸於四郊以獸告至於廟社其因講武以符則先設圍亦如之也

杜氏通典卷第一百二十二終

杜氏通典卷第一百二十三

禮九十三軍二 纂類二十八 大唐開元禮二十八

皇帝射于射宮

皇帝觀射于射宮

制遣大將出征有司宜于太社

制遣大將出征有司告于太廟齊太公廟附

仲春祀馬祖

仲夏享先牧仲秋祭馬社 仲冬祭馬步附

合朔伐鼓二至二分及諸州合朔伐鼓附

大儻諸州縣附

皇帝射于射宮